

UNIVERZITET U SARAJEVU
INSTITUT ZA HISTORIJU

Komisija za izbor višeg naučnog saradnika za oblast moderne historije
Sarajevo, 19. juni 2025.



Vijeću Instituta za historiju Univerziteta u Sarajevu
Senatu Univerziteta u Sarajevu

Na osnovu Zakona o naučnoistraživačkoj djelatnosti („Službene novine Kantona Sarajevo broj: 26/16“, Odluke Vijeća Instituta za historiju broj: 01-01-182/25 od 10. aprila 2025. i saglasnosti Senata Univerziteta u Sarajevu broj: 01-6-13/25 od 30. aprila 2025. godine Vijeće Instituta za historiju imenovalo je na 11. redovnoj sjednici održanoj 4. juna 2025. godine Komisiju za izbor u naučno zvanje - naučni saradnik za oblast moderne historije u sastavu:

1. Dr. Amir Kliko, viši naučni saradnik za oblast historije na Institutu za istraživanje zločina protiv čovječnosti i međunarodnog prava Univerziteta u Sarajevu - predsjednik Komisije;
2. Dr. Safet Bandžović, naučni savjetnik za oblast moderne historije na Institutu za historiju Univerziteta u Sarajevu - član i
3. Dr. Dženita Rujanac, viši naučni saradnik za oblast moderne historije na Institutu za historiju Univerziteta u Sarajevu – član.

Komisija je zaprimila akt (Potvrda) Instituta za historiju Univerziteta u Sarajevu br. 03-01-280/25 od 26. maja 2022. kojom se potvrđuje da se na javni konkurs za izbor u zvanje - viši naučni saradnik za oblast moderne historije na Institutu za historiju (objavljen u dnevnom listu "Dnevni avaz" dana 8. maja 2025. i web stranici Instituta za historiju) prijavio jedan kandidat:
- Dr. Jasmin Medić, s blagovremenom i svojeručno potpisanom prijavom i dokumentacijom koja je potpuna i usklađena sa uslovima utvrđenim konkursom.

Nakon uvida u priloženu dokumentaciju jedinog prijavljenog kandidata Dr. Jasmina Medića, Komisija podnosi Vijeću Instituta za historiju sljedeći:

IZVJEŠTAJ

Jasmin Medić rođen je 19. oktobra 1986. u Prijedoru. Diplomirao je, magistrirao i doktorirao na Odsjeku za historiju Filozofskog fakulteta Univerziteta u Sarajevu.

U zvanje naučnog saradnika za modernu historiju u Institutu za historiju Univerziteta u Sarajevu izabran je u martu 2022. godine. U periodu izbora u zvanje objavio je tri naučne monografije (*Nastanak Republike Srpske: od regionalizacije do strateških ciljeva (1991-1992)*, *Korićanske stijene – kamena grobnica* i *Politika revizionizma: negiranje zločina i genocida u Bosni i Hercegovini 1992-2025: (istraživačka studija)*). U istom zvanju objavio je 11 naučnih i stručnih članaka kao i tri prikaza u indeksiranim časopisima u Bosni i Hercegovini, Njemačkoj i Hrvatskoj iz oblasti moderne i savremene historije, genocida, zločina protiv čovječnosti i viktimologije. Pored navedenog, bio je urednik VI toma Historije Bosne i Hercegovine (1945-1995).

Učesnik je i na 20 međunarodnih naučnih konferencija i drugih naučnih skupova, te okruglih stolova u Bosni i Hercegovini i inostranstvu.

Pored navedenog, kandidat je predao uvjerenje o uspješno realizovanom individualnom projektu pod nazivom *Utjecaj vojnih i političkih zbivanja na demografske promjene u Bosanskoj krajini od 1992. do 1995. godine*.

Uz navedeno, kandidat Dr. Jasmin Medić profesor je na Fakultetu političkih nauka Univerziteta u Sarajevu na predmetima Historija ratova i Vojna historija na Odsjeku za Sigurnosne i mirovne studije u akademskoj 2024/2025. godini.

Kandidat je uz prijavu na konkurs priložio bibliografiju i radove kojima dokazuje svoje naučnoistraživačke sposobnosti.

BIBLIOGRAFIJA

KNJIGE:

1. ***Nastanak Republike Srpske: od regionalizacije do strateških ciljeva (1991-1992)***, Institut za istraživanje zločina protiv čovječnosti i međunarodnog prava Univerziteta u Sarajevu, Univerzitet u Sarajevu - Institut za historiju, Sarajevo, 2023. godine.

Analizirajući povijest srpskog nacionalizma, autor Dr. Jasmin Medić (uz koautore Dr. Muamera Džananovića i Dr. Hikmeta Karčića) analizira najznačajnije, prelomne, godine bosanskohercegovačke prošlosti sa fokusom na 1991. i 1992. kada je Srpska demokratska stranka (SDS) uz pomoć zvaničnog Beograda i Jugoslovenskom narodnom armijom (JNA) u procesu raspada zajedničke jugoslavenske države uvidio priliku za stvaranjem srpske države zapadno od rijeke Drine. Detaljno analizirajući proces pada socijalizma, transformacije JNA u srpsku vojsku, jednostrane regionalizacije, formiranja paralelnih srpskih institucija, demografske projekcije, te objave Šest strateških ciljeva Srpske republike BiH od 12. maja 1992. godine; autori su dali kompletan pregled stvaranja RS kao, kako je tada nazvana, "osme" jugoslavenske republike. Knjiga sadrži obimnu arhivsku građu, a pored nje, autori se pozivaju i na relevantnu literaturu i memoare učesnika spomenutih faza.

Zbog ogromnog interesovanja naučne zajednice i ukupne javnosti kako u Bosni i Hercegovini tako i u inostranstvu, knjiga je 2025. imala i svoje drugo izdanje u kojoj su autori, kako sami navode, uz sugestije naučnika popravili dijelove ove knjige.

2. ***Korićanske stijene: kamena grobnica***, Univerzitet u Sarajevu - Institut za historiju, Muzej Unsko-sanskog kantona, Sarajevo - Bihać, 2024. godine.

U ovoj knjizi je kandidat – sa koautorom Dr. Mujom Begićem – kroz niz dokumenata MKSJ, relevantnu literaturu i memoarsku građu, koristeći i metodologiju „usmene historije“ intervjuisanjem nekoliko preživjelih svjedoka masakra na Korićanskim stijenama 21. augusta 1992. opisao političku i vojnu situaciju u Prijedoru i Bosanskoj krajini od 1990. do konca 1992, paralelno analizirajući zbivanja u Bosni i Hercegovini u kontekstu raspada Jugoslavije. Srpske

vojne, političke i policijske strukture, predvođene SDS-om i JNA (preimenovanom u Vojsku Srpske republike BiH, odnosno Vojsku Republike Srpske), imale su odlučujuću ulogu u genocidu izvršenom nad prijedorskim Bošnjacima i Hrvatima. Vojne pripreme srpskih snaga za napad na Prijedor potvrda su ranije isplanirane agresije na Bosnu i Hercegovinu. Vojni napadi srpskih snaga usmjereni su na područje Kozarca i okoline, sela na lijevoj strani Sane, područje Ljubije i okoline, te dijelove grada Prijedora, u kojima je živjelo većinsko bošnjačko stanovništvo. U cilju "čišćenja" kompletnog područja prijedorske opštine, lokalne vlasti formirale su logore Omarska, Keraterm i Trnopolje.

Poseban osvrt stavljen je na logor Trnopolje iz kojeg je oko 200 civila izvedeno 21. augusta 1992. i strijeljano na lokaciji Korićanske stijene na planini Vlašić. Osim detaljnog opisa masakra, ponuđena je i izvorna dokumentacija kojoj srpske političke i vojne strukture priznaju i opisuju počinjenje ovog zločina. Drugi dio knjige odnosi se na proces ekshumacije koji je trajao od 2003. do 2017. kada je pronađen najveći dio posmrtnih ostataka.

3. *Politika revizionizma: negiranje zločina i genocida u Bosni i Hercegovini 1992–2025. (istraživačka studija), Univerzitet u Sarajevu - Institut za istraživanje zločina protiv čovječnosti i međunarodnog prava, Sarajevo, 2025. godine.*

Studija analizira kontinuitet negiranja zločina i genocida od strane političkog rukovodstva Srbije i entiteta RS. Zaključuje se da su, a što je i naglašeno u ovoj studiji, političke vlasti RS i Srbije najviše sredstava uložile u revizionistički pristup za četiri mjesta: Sarajevo, Prijedor, Tuzla i Srebrenica (zločini nad civilima tokom opsade, genocid, logori, bijele trake) te su ova četiri mjesta u naglasku ove studije. Posebno je važno naglasiti da su u procesu revizionizma svoj "doprinos" dali naučnici i novinari iz zapadne Evrope i SAD što je, također, analizirano u ovoj studiji. Na kraju studije ponuđeno je i sedam preporuka akademskoj i široj javnosti u Bosni i Hercegovini u cilju borbe protiv revizionizma. Uz kandidata Dr. Jasmina Medića studiju su koautorski potpisali Dr. Muamer Džananović, Dr. Hikmet Karčić i Dr. Elvedin Mulagić. Objavljena je i na engleskom jeziku (*Politics of revisionism: Denial of Crimes and Genocide in Bosnia and Herzegovina, 1992-1995 (A Research Study)*).

ČLANCI:

1. **“Deklaration des Gesamtserbischen Kongresses – eine Gefahr für die Stabilität des Westbalkans?”**, *Policy Briefing*, No. 1, Pangea - Das deutsch-bosnische Netzwerk für Wirtschaft, Bildung und Akademie, Pangea Netzwerk e.V., Düsseldorf, 2025, 4-11.

Autor za njemački časopis Pangea analizira usvojenu Deklaraciju svesrpskog sabora održanog 8. juna 2024. posebno naglašavajući tačke u kojima se dovodi u pitanje stabilizacija u budućnosti zapadnog Balkana što bi moglo imati dalekosežne posljedice za Bosnu i Hercegovinu.

2. **„Koncepti ujedinjenja i saradnje Autonomne regije Krajina i Srpske autonomne oblasti Krajina 1991. i 1992. godine“**, *Historijski pogledi*, br. 11, Centar za modernu i savremenu historiju, Tuzla, 2024, 294-317.

Autor Dr. Jasmin Medić u koautorstvu s Dr. Mujom Begićem u radu analizira odnos dvije oblasti od njihovog jednostranog proglašenja do druge polovine 1992. godine. Srpska autonomna oblast Krajina (kasnije Republika Srpska Krajina) u Hrvatskoj i Autonomna regija Krajina (ARK) u sjeverozapadnom dijelu Bosne i Hercegovine prve su, kao formalno-pravne nasljednice zajednica opština, jednostranim odlukama formirane autonomne oblasti po etničkom principu u procesu disolucije Jugoslavije. Jedna od opcija u tom procesu bilo je ujedinjenje ove dvije oblasti u jednu administrativnu jedinicu ili državu, a najveći zagovornici bili su čelni političari iz obje oblasti. U cilju opravdanja nastajanja jedne takve administrativne jedinice objavljeni su elaborati o nužnosti njenog formiranja kao zasebne cjeline u okviru „krnje Jugoslavije“ ili velikosrpske države. Međutim, postavilo se pitanje koliko bi takvo ujedinjenje umanjilo utjecaj političkih lidera SDS iz Bosne i Hercegovine i ko bi, zapravo, bio novi nacionalni lider među Srbima zapadno od rijeke Drine?

Bez obzira kakve nesuglasice bile o ujedinjenju dvije Krajine i pitanju njenih statusa, politička i vojna saradnja bila je neupitna u prve dvije godine agresije na Republiku Hrvatsku i Republiku Bosnu i Hercegovinu. Posebno je intenzivna saradnja bila u drugoj polovini 1992. kada su 1. i 2. krajiški korpus Vojske Srpske republike BiH/Vojske Republike Srpske uz saradnju s policijskim strukturama Republike Srpske Krajine i Srpskom Vojskom Krajine (SVK) bili na

zajedničkom zadatku – provođenju Šest strateških ciljeva Srpske republike Bosne i Hercegovine/Republike Srpske. Ta saradnja je posebno bila izražena u „uspostavljanju koridora“ između Krajine i Semberije kao 2. strateškog cilja, odnosno zajedničko djelovanje u operaciji „Koridor '92“.

3. „Sarajevski proces 1949. godine na stranicama Bosanskih pogleda“, u: Zbornik radova *Bošnjaci u emigraciji: Adil Zulfikarpašić i nacionalno-politički vidokrug časopisa Bosanski Pogledi*, Bošnjački institut – Fondacija Adila Zulfikarpašića, Sarajevo, 2023, 137-148.

U radu autor naglašava kako su Mladi muslimani bili jedna od opozicionih organizacija u socijalističkoj Jugoslaviji. Njeni članovi, optuživani za antikomunističko djelovanje i navodnu saradnju sa okupatorskim formacijama tokom Drugog svjetskog rata, procesuirani su u Sarajevu 1949, u periodu masovnih obračuna jugoslavenske komunističke vlasti s neistomišljenicima. U Bosni i Hercegovini se okrutnost režima naročito isticala prema Mladim muslimanima. Za koja nedjela su bili optuživani, kako je tekao proces i kakva je bila sudbina procesuiranih pisalo se i u časopisu Bosanski pogledi. Naročito je značajno to što je jedan od autora bio Teufik Velagić, bošnjački emigrant osuđen u Sarajevskom procesu 1949. godine. U ovom se radu analizira kako se u Bosanskim pogledima tumačio ovaj proces.

4. „Bosnien und Herzegowina im Jahr 2023: Ein durch Krieg gespaltenes Land zwischen russischem Einfluss und euro-atlantischer Integration“, *Zeitschrift für Außen- und Sicherheitspolitik*, Vol. 16, Springer VS, Wiesbaden, 2023, 147-159.

Bosna i Hercegovina se, prema stavu autora, nakon ruske invazije na Ukrajinu našla u izrazito teško geopolitičkoj situaciji. U radu objavljenom u njemačkom časopisu, autor analizira političku situaciju u Bosni i Hercegovini tokom 2023. naročito problematizirajući ruski utjecaj u njoj, ujedno upozoravajući na moguće posljedice tog utjecaja i polarizaciju bosanskohercegovačkog društva u pogledu odnosa prema ruskoj invaziji na Ukrajinu.

5. „Disolucija SFRJ i stjecanje suverenog i nezavisnog državno-pravnog statusa Republike Bosne i Hercegovine“ u: *Historija Bosne i Hercegovine, Tom VI: Bosna i Hercegovina u XX stoljeću*, ur. Dženita Sarač Rujanac i Jasmin Medić, Univerzitet u Sarajevu – Institut za historiju, Sarajevo, 2023, 165-183. qw

Kakav je bio proces disolucije Jugoslavije i da li je Bosna i Hercegovina mogla izbjeći agresiju na nju, te kako se odvijala politička situacija unutar nje samo su neke od tema koja su obrađena u ovome članku. Pored navedenog, u članku je analiziran i proces regionalizacije u Bosni i Hercegovini kao uvod u jednostrana proglašenja Srpske republike BiH i Hrvatske zajednice Herceg-Bosne.

6. „Ratni zločini i genocid u Bosni i Hercegovini 1992-1995.“, u: *Historija Bosne i Hercegovine, Tom VI: Bosna i Hercegovina u XX stoljeću*, ur. Dženita Sarač Rujanac i Jasmin Medić, Univerzitet u Sarajevu – Institut za historiju, Sarajevo, 2023, 218-249.

Pozivajući se na presude Međunarodnog krivičnog suda za bivšu Jugoslaviju, sudova u Njemačkoj te sudova u Bosni i Hercegovini, Srbiji i Hrvatskoj, u radu je dat presjek najvećih zločina počinjenih u toku agresije na Republiku Bosnu i Hercegovinu. Značaj ovog rada je što su, na osnovu sudski dokazanog, razmatrani i zločini počinjenim i nad srpskim i hrvatskim civilnim stanovništvom što je još jedan pokazatelj objektivnog pristupa autora ovoj temi.

7. „Nastanak i pad Autonomne pokrajine Zapadna Bosna“, u: *Historija Bosne i Hercegovine, Tom VI: Bosna i Hercegovina u XX stoljeću*, ur. Dženita Sarač Rujanac i Jasmin Medić, Univerzitet u Sarajevu – Institut za historiju, Sarajevo, 2023, 296-304.

Jednostrano proglašena Autonomna pokrajina Zapadna Bosna od strane njenog lidera Fikreta Abdića jedna je od najzagonetnijih epizoda u periodu agresije na Republiku Bosnu i Hercegovinu. Koji su motivi njenog proglašenja, koji su razlozi borbe njenih vojske protiv sunarodnjaka i zašto je u dva navrata uništena te kako su u njeno proglašenje i djelovanje bile involvirane susjedne države teme su koje su analizirane u ovome članku.

8. „Bosanska Krajina in the Bosnian Serb's demographic projections of 1991 and 1992“, *Bosnian studies: Journal for Research of Bosnian Thought and Culture*, Vol. 7, No. 1, BZK Preporod, Sarajevo, 2023, 48-64.

Za srpsku nacionalističku politiku Bosanska krajina bila je od posebnog strateškog značaja, prvenstveno zbog uspostave koridora prema Kninskoj krajini. U radu se daje kraća analiza o tome koliko je demografska slika ovog dijela Bosne i Hercegovine bila značajna za tu politiku, kakvi su elaborati nastajali i koji im je krajnji cilj u pogledu Bosanske krajine – da li kao zasebna administrativna jedinica u okviru „krnje Jugoslavije“ ili kao dio srpske države zapadno od Drine? Zajednički cilj protagonista obje opcije bio je da ona bude dominantno srpska i s tek „prihvatljivim brojem nesrba“.

Budući da je težište u radu na projekcijama nastalim prije izbijanja agresije na Republiku Bosnu i Hercegovinu, napravljen je osvrt i na djelovanje srpskih vladajućih struktura u rješavanju „demografskog pitanja“ u Bosanskoj krajini.

9. „Srpska priznanja o zločinima počinjenim u Prijedoru 1992. godine“, u: *Zločini nad Bošnjacima tokom agresije 1992-1995. i memorijalizacija zločina*, (ur. Medina Mehmedović-Mulalić), El-Kalem – izdavački centar Rijaseta Islamske zajednice u BiH, Uprava za vanjske poslove i dijasporu Rijaseta Islamske zajednice u BiH, Sarajevo, 2023, 89-98.

Autor u radu, uvidom u dokumentaciju, izjave i priznanja pred sudovima za ratne zločine, govori o zločinima počinjenim u Prijedoru 1992. godine. Kakva je bila korespondencija pripadnika vojske i policije RS, šta su izjavljivali pojedini srpski politički dužnosnici i šta su neki optuženici priznali pred sudovima za ratne zločine teme su ovoga rada. Sve navedeno je u značajnoj mjeri otkrilo razmjere zločina počinjenih u ovome gradu i njegovoj okolini. Bitno je napomenuti da je autor napravio selekciju građe i da jedan broj dokumenata i izjava nisu spomenuti u ovome radu.

10. „Obmana ili iskrenost? Dva priznanja pred Međunarodnim krivičnim sudom za bivšu Jugoslaviju“, *Pregled: časopis za društvena pitanja*, Vol. 64, No.2, Univerzitet u Sarajevu, 2022, 41-56.

Autor u radu analizira dva predmeta vođena pred Međunarodnim krivičnom sudom za bivšu Jugoslaviju (ICTY), specifična po priznanju krivice optuženih. Stevan Todorović, načelnik policije u Bosanskom Šamcu, najviši je rangirani funkcioner iz te opštine koji je priznao krivicu i iskazao kajanje zbog vlastite odgovornosti i počinjenih zločina. Isto je učinio i Damir Došen, stražar smjene u prijedorskom logoru Keraterm. Da li su priznanja ove dvojice osuđenih ratnih zločinaca bili izraz istinskog kajanja ili način da, nagodbom sa tužilaštvom suda, izbjegnu veće zatvorske kazne? Odgovor na ovo pitanje naslućuje se analizom ponašanja Todorovića i Došena nakon odsluženja zatvorske kazne.

11. „Briševo – izbrisano selo 1992. godine“, *Časopis za suvremenu povijest*, Vol.54, No.2, Hrvatski institut za povijest, Zagreb, 2022, 465-485.

Autor u radu, pozivajući se na izvornu građu i svjedočenje očevidaca te relevantnu literaturu, govori o zločinima srpskih vojnih i policijskih struktura u Briševu, selu u prijedorskoj opštini većinski naseljeno Hrvatima. Granatirano u prvim danima „etničkoga čišćenja” Prijedora krajem maja 1992, Briševo je dva mjeseca kasnije napadnuto, dio mještana ubijen, a selo opljačkano i razoreno. Nakon napada njegovi su stanovnici protjerani ili odvedeni u jedan od logora i druga mjesta nezakonitih zatočenja. Ovo je selo postalo paradigmom zločina počinjenih nad Hrvatima u opštini Prijedor i cijeloj Bosni i Hercegovini. Sličnu sudbinu kao briševački Hrvati doživjeli su Bošnjaci i Hrvati u drugim mjesnim zajednicama prijedorske opštine. Tema je ovoga rada kako je jedno selo kontinuirano nestajalo tokom proljeća i ljeta 1992. i koje su posljedice toga.

Prikazi:

1. Hikmet Karčić, *Torture, Humiliate, Kill: Inside the Bosnian Serb Camp System*, University of Michigan, 2022, u: *Südosteuropa Mitteilungen*, Heft 01/2023, Südosteuropa Gesellschaft e.V., 2023;

2. Safet Bandžović, *Ideja i iskustvo. Jugoslovenski socijalizam i bošnjačka pozicija*, Autor, Sarajevo, 2017., u: *Sudost-Forschungen: Internationale Zeitschrift für Geschichte, Kultur und Landeskunde Südosteuropas*, No. 80, Leibniz-Institut für Ost- und Südosteuropaforschung, Regensburg, 2021. i
3. Mujo Begić, *Nastanak i djelovanje Autonomne pokrajine Zapadna Bosna*, Institut za istraživanje zločina protiv čovječnosti i međunarodnog prava, Sarajevo, 2021., u: *Context 9.1*, Centar za napredne studije, Sarajevo, 2022.

Učešće na naučnim konferencijama, naučnim skupovima, okruglim stolovima i predavanjima:

1. Učesnik na Naučnom skupu "Instrumentalizacija i politizacija nacionalnih prava: Deklaracija 'Svesrpskog sabora' kao kontinuitet velikodržavne politike", u organizaciji Univerziteta u Sarajevu - Instituta za istraživanje zločina protiv čovječnosti i međunarodnog prava, Sarajevo, 9. januar 2025. (Tema izlaganja: "Srpski sabori 1990-2024: zasjedanja i posljedice");
2. Učesnik na Međunarodnoj naučnoj konferenciji „Između Istoka i Zapada: Bosna i Hercegovina u žiži historijskih događaja i procesa (1699-2024)“, u organizaciji Centra za modernu i savremenu historiju, Tuzla, 15/16. novembar 2024. (Tema izlaganja: "Bošnjaci kao 'demografski problem' u Jugoslaviji 1980-ih i početkom 1990-ih godina");
3. Učesnik na Međunarodnom naučnom skupu „Političko nasilje: Historijski konteksti i savremeni izazovi“, u organizaciji Instituta za istraživanje zločina protiv čovječnosti i međunarodnog prava UNSA i Odsjeka za politiku i međunarodne odnose (DPIR) Univerziteta u Oxfordu, Sarajevo, 30. oktobar 2024. (Tema izlaganja: „'Saoizacije' Bosne i Hercegovine kao primjer političkog nasilja“);
4. Učesnik na panel diskusiji pod nazivom „Kako sačuvati činjenice“, na Okruglom stolu „Noć u Trnopolju“, u organizaciji Centra za mlade 'Kvart' i Friedrich Ebert Stiftung, Prijedor, 5. august 2024;
5. Predavač na izložbi i tribini „Die Welt gedenkt Srebrenica: LEHREN AUS EINEM VÖLKERMORD IN EUROPA“, u organizaciji Zentrum der zeitgemäßen Initiativen – ZZI Austria, Uprave za vanjske poslove i dijasporu Rijaseta Islamske zajednice u Bosni i Hercegovini i Federalnog ministarstva raseljenih osoba i izbjeglica, Linz, 27. juni 2024;

6. Predavač na izložbi i tribini „Svijet pamti Srebrenicu: Lekcije iz genocida u Evropi“, u organizaciji Uprave za vanjske poslove i dijasporu Rijasetu Islamske zajednice u Bosni i Hercegovini i Federalnog ministarstva raseljenih osoba i izbjeglica, Ulm, 26. juni 2024;
7. Učesnik na Panel diskusiji „Tag der weissen Baender: 32 Jahre danach“ u organizaciji Wiener Bildungakademie i bosanskohercegovačkih udruženja u Austriji, Beč, 31. maj 2024;
8. Učesnik na Međunarodnom naučnom skupu „Bošnjaci u društveno-političkim procesima od 1991. godine do danas“ u organizaciji Bošnjačkog nacionalnog vijeća Sandžaka i Bošnjačkog vijeća u Crnoj Gori, Novi Pazar, 10. i 11. maj 2024. (Tema izlaganja: „Bošnjaci u RS od 1996. do 2022. godine“);
9. Učesnik na Konferenciji „Saradnjom za istinu, dijalog, budućnost“ u organizaciji Memorijalnog centra Srebrenica, Srebrenica, 27. i 28. mart 2024. (Učesnik na panelu o obrazovanju);
10. Učesnik na Međunarodnoj naučnoj konferenciji Bosna i Hercegovina i geopolitičke promjene u Europi i svijetu (1699-2023). u organizaciji Centra za istraživanje moderne i savremene historije, Tuzla, 17. i 18. novembar 2023. (Tema izlaganja: „Odnos članica Evropske zajednice prema nezavisnosti Bosne i Hercegovine“);
11. Učesnik na Međunarodnom naučnom simpoziju Bošnjaci u emigraciji: Adil Zulfikarpašić i nacionalno-politički vidokrug časopisa Bosanski Pogledi, u organizaciji Bošnjačkog instituta, Sarajevo, 19. decembar 2023. (Tema izlaganja: „Sarajevski proces 1949. godine na stranicama Bosanskih pogleda“);
12. Učesnik na naučnom skupu Von Halle bis Christchurch: Wie der Genozid in Bosnien heute noch rechte Ideologien und Terrorismus beeinflusst, u organizaciji Theodor-Heuss-Akademie der Friedrich-Naumann-Stiftung für die Freiheit, Gummersbach (Deutschland), 24-26. mart 2023. (Tema izlaganja: „Die Komplexität des Begriffs Genozid: Wie wird ein Genozid definiert, was sind die Stufen von Genozid und Genozid Denial, was bedeutet die Klassifikation als Genozid konkret und warum ist sie so kontrovers?“);
13. Učesnik na naučnom skupu i autor izložbe 9. januar – Put u genocid, , u organizaciji Arhiva Federacije Bosne i Hercegovine i Narodnog pozorišta Sarajevo, 9. januar 2023;
14. Učesnik na II Međunarodnoj naučnoj konferenciji Kultura sjećanja u Bosni i Hercegovini: Od kulture sjećanja do kulturnog pamćenja – Izazovi memorijalizacije, u organizaciji Fonda

- memorijala Kantona Sarajevo, 15. decembar 2022. (Tema izlaganja: "Logori i kultura pamćenja: studija slučaja Omarska, Keraterm i Trnopolje");
15. Učesnik na Međunarodnoj naučnoj konferenciji Obnova državnosti Bosne i Hercegovine – 30 godina poslije. Društveno-politički i privredni kontekst, u organizaciji Centra za modern i savremenu historiju, 18. i 19. novembar 2022. (Tema izlaganja: "Bošnjaci u RS (1996-2018): Politički faktor ili narod pred nestankom");
 16. Učesnik na naučnom skupu i autor izložbe Dokumentovan, a nepresuđen genocid, u organizaciji Arhiva Federacije Bosne i Hercegovine i Bošnjačkog instituta, 12. oktobar 2022;
 17. Učesnik na Okruglom stolu Prijedor: prošlost – sadašnjost – budućnost, u organizaciji Medžlisa IZ Bihać i Gazi Husrev-begove biblioteke, Sarajevo, 14. juli 2022. (Tema izlaganja: "Geneza zločina i metode zla koje su viđene u Prijedoru 1992. godine");
 18. Učesnik na Okruglom stolu Zločini u Podrinju, u organizaciji Uprave za vanjske poslove i dijasporu Rijaseta IZ i Muftijstva goraždanskog, 6. juli 2022. (Tema izlaganja: "Eliminacija Drine kao granice: srpski strateški cilj kroz historiju");
 19. Učesnik na Javnoj tribini 30 godina od agresije i genocida u Bosni i Hercegovini, u organizaciji općine Hadžići, 8. juni 2022. (Tema izlaganja: "Zločin i posljedice: kultura pamćenja na primjeru Prijedora") i
 20. Učesnik na Okruglom stolu 30 godina od agresije na Kozarac i Republiku Bosnu i Hercegovinu, u organizaciji Medžlisa IZ Kozarac, Kozarac, 24. maj 2022. (Tema izlaganja: „Prijedor 1992. godine sa posebnim osvrtom na zbivanja u Kozarcu“).

Recenzije knjiga:

1. Mujo Begić, *Bosanski Petrovac 1992. godine*, Muzej Unsko-sanskog kantona, Bihać, 2022;
2. Amir Kliko, *Jajce 1992: opsada i odbrana kraljevskog grada*, autorovo izdanje, 2023;
3. Hikmet Karčić, *Genocid u Bosni i Hercegovini: institucije, počinioci i posljedice*, IITB, 2024.
4. Muamer Džananović, Hikmet Karčić, Emir Suljagić, Sead Turčalo, *Dekodiranje agresije: Vrhovni savet odbrane Savezne Republike Jugoslavije i rat protiv Republike Bosne i Hercegovine*, Fakultet političkih nauka Univerziteta u Sarajevu, Memorijalni centar Srebrenica, Institut za istraživanje zločina protiv čovječnosti i međunarodnog prava Univerziteta u Sarajevu, Sarajevo, 2024;

5. Amir Kliko, *Jajce 1992: opsada i odbrana kraljevskog grada*, Institut za istraživanje zločina protiv čovječnosti i međunarodnog prava Univerziteta u Sarajevu, Sarajevo, 2025;
6. Mujo Begić i Nijazija Maslak, *Dr. Irfan Ljubijankić: politička biografija (1990-1995)*, Bošnjački institut - Fondacija Adila Zulfikarpašića, Muzej Unsko-sanskog kantona, Sarajevo - Bihać, 2025. i
7. Muamer Džananović i Elvedin Mulagić, *Zvornik 1992-1995: genocid na kapiji Bosne*, Institut za istraživanje zločina protiv čovječnosti i međunarodnog prava Univerziteta u Sarajevu, Sarajevo, 2025.

Članstvo u redakcijama:

- Prilozi*, (br. 52, 53, 54), Univerzitet u Sarajevu - Institut za historiju, Sarajevo (2023, 2024, 2025)
i
Sandžački zbornik - časopis za društvene i humanističke nauke, br. 1, Novi Pazar, 2025.

PRIJEDLOG ODLUKE KOMISIJE S OBRAZLOŽENJEM

Imajući u vidu, detaljno pregledanu prijavu Dr. Jasmina Medića, te sve u Izvještaju konstatovano i prezentovano o kandidatu i uzimajući u obzir Zakonom o naučnoistraživačkoj djelatnosti predviđene uslove za sticanje zvanja višeg naučnog saradnika, Komisija je mišljenja da je kandidat Dr. Jasmin Medić u višegodišnjem kontinuitetu svog naučnoistraživačkog rada pokazao ozbiljnost, marljivost i posvećenost historijskoj nauci i bavljenju temama značajnim za nauku i potrebnim Institutu za historiju.

Stoga, u skladu sa navedenim u Izvještaju – a na osnovu Zakona o naučnoistraživačkoj djelatnosti („Službene novine Kantona Sarajevo broj: 26/16“), Odluke Vijeća Instituta za historiju broj: 01-01-182/25 od 10. aprila 2025. i saglasnosti Senata Univerziteta u Sarajevu broj: 01-6-13/25 od 30. aprila 2025. godine, Komisija za izbor višeg naučnog saradnika za modernu historiju predlaže Vijeću Instituta za historiju Univerziteta u Sarajevu kao i Senatu Univerziteta u Sarajevu, da Jasmina Medića, doktora historijskih nauka, izabere u zvanje višeg naučnog saradnika za modernu historiju na Institutu za historiju Univerziteta u Sarajevu.

Sarajevo, 18. juni 2025.

Komisija:

1. Dr. Amir Klike, predsjednik

2. Dr. Safet Bandžović, član

3. Dr. Dženita Rujanac, član